

WELAT

ORGANA PARTI DEMOKRATI KURDISTAN-Iraq (KDP)
-LIQÊ 6 EWROPA-

Hejmar: taybetî

Gulan . 1984

ŞORIŞA 26.GULANÊ ya niştîmanî, pêşveru

Imperyalîst û kevneperîstên ku rê ji bo peymanê Şah-Seddâm li Cezair li adara 1975 xweşkir, bi xwazîna herifandina şorişê eylûla niştîmanî bi rêberîya PDK û Serûkê nemir Barzanî, dida ber çavên xwe, ku mezintirîn tevgera azadîxwaza rojhelata navîn, wêran bikin. Ji bo vê yekê, organên wan û yên rejîmê bi wêre girêdayî, bi taybetî rejîma Şah û Seddâm di herêmeda hêrişeka propagandeyî û siyasî ya berfireh û pir bi jîrî, birin ser qiyadêya Barzanî, ji ber ku wan baş dizanî, ku ev serkirdayetiye, bi şaşiyên xwevejî, serkirdayetiyeke niştîmanî welatparêze û meslehetên milletê Kurd yê bingehî dipaarazt û qet bazarî li ser mafên wî nedikir. Serkirdayetiya Barzanî cihê bawerî û rêzgirtina berfirehtirîn bingeha xelkê Kurdistanê bû.

Li 26ê Gulanê 1976, ji serê çiyayan bersiva xelkê Kurdistanê hat. Komikên biçûk yê jîr, agirê bergiriyê û meşxela şorişê bilindkir, tem û tariya rejîmê faşîst û kevneperîst, li ser Kurdistanê birîndar, hilandin. Şorişê Gulanê ronahî havête ser wê rastiyê, ku mesela kurdî hêsta li çarenûsa xwe dipirsîtin. Peymana Cezair bo bi sebaba pitiralozkirina vê meselê, lewa bersiva li ser wê pir bi lez û bi hêzbû, ji ber ku milletê Kurd ji kêmîtirîn mafên xwe dûre.

Bergirî di Kurdistanê Iraqê de her berdewame, bi her reng û yek jê bi rengê çekdarî. Şorişê 26ê Gulanê berdewambûna şorişê eylûla pîroza niştîmanî ye, bi terzek baştir û bi naverûkeka civakîya kûrtir. Şorişê Gulanê her di destpêka xwe, ne tenê barê qewmî (neteweyî) girt, lê belkî giringiyeka mezîn da ser barê civakî ya tevgera ...

Rûpelê 4

Mekteba Siyasî ya (P D K) Iraq, roja 21.5.1984 ev ragehandin belav kir:

Di bajarên Kurdistanê de, bi taybetî Suleymanî, Dihuk û Hewlêr, rêveçun û demonstrasyonên mezin û bi deng çêbûn diji bizorîhajotina xwendî - karan bo "leşkerê millî" yê Seddâm û diji cenga wî. Mezintirîn û firehtirîn demonstrasyon roja 13.5.84 di bajarê Suleymanîde çêbû. Peyayên emna Iraqê agirbaran kir û 7 xwendikar bi gulleyên wan şehîdbûn û 35 birîndarbûn. Li pey wê roja 13.5 xelkê Suleymanîyê dîkkan û kargehên xwe girtin û ketin sed cadan hejmara wan giha 50 hezar kes û hêriş birin ser merkezeka hukumetê, pir çek jê birin, şewitand û 5 polîsê rejîmê kuştin. Roja 14.5 dîsan demonstrasyon çêbûn, bi xurtir û bi hêztir û 10 otombêlên rejîmê hatin şewitandin. Ta îro rewş bi vî rengî dumdiqe.

Kurdistan, 21.5.1984

M.S. (PDK)

raperîna xwendikaran

"Xwendikar û xurt serê tîrêne
di Şorişan de"
(Serukê nemir Barzanî)

Mamon Debağ, Abdulxaliq, Spîndarî, M.S. Pencîwînî, L e y l a Q a s i m, K u r d i s t a n Salih, Gazî, Rêber, û Berbeyar, Tariq û bi sedan Şehîd ji Xwendikar û Xurtên Kurdistan bilintirîn Sîmbole xebatê û qaremanî nişankir.

... rûpel 3

LEŞKERÊ ŞORIŞGERÊ KURDISTAN

Karûbarê çekdarî û siyasî:

- 78 karê şoreşgerî dijî rejîmê.
- 7 karên hevrayî bi hêzên Cud re
- 2 husta, yek firensî û yek îtalî hatin girtin.
- 3 merkezên dixtorî yê rejîmê hatin dagîrkirin.

Ev karên şoreşgerî, bi taybetî di Zaxo, Akre, Şêxan, Mêrgesor, Gewêr, Seyd-Sadiq, Selahedin, Şaneder, Xormal û Helepçe de çêbûn.

Ji 1.1.84 ta 29.2.1984, 78 karê çekdarî hatin kirin, 244 ji dujmin hatin kuştin, 122 birîndarkirin, 21 otombêl hatin şewitandin û 3 tankê rejîmê wêrankirin.

Bi hêzên cebha Cud re 7 karûbar kirin 25 karê şoreşgerî di hundirê bajarên Suleymanî, Mosil û Dihok û bajarên di çêbûn.

Pir derman û destgahên pizîşkî ketin destê Pêşmergan li Diyana û Şêxan. 9 Klaşînkov, topeka 60mm û 1 RPG û gulle û fişek.

6 exsîr, jê yek swîsrî û 1 îtalî. Xisarêta me, 12 şehîd û 13 birîndar ji Pêşmerge û endamên PDK, 1 gundî şehîd bû, jinek û 4 zaruk û 4 kes birîndarbûn.

Bijlî vê hêsta, rêxistinên hundirî û Pêşmergên qehreman 207 karûbarê siyasî û cemawerî çêkirin, ji belav kirina belavûkên PDK ta girtina civîn û kombûnên siyasî.

Silav û rêzgirtin ji Pêşmerganre. Bijî Şoriş 26ê Gulanê. Bijî P D K . Bijî eniya Cud .

Cud

Eniya niştîmanî demokratî iraqî (Cud)

Civata bilind ya (Cud) di 6. ta 9.2. 1984 civîna xwe çêkir. Girogiriftên siyasî yê Iraqê, rewşa cenga iraqî - iranî û lîstika xiyaneta komika Celal Talebanî, di civînêde cihê xwe girtin. Çend biryarên giring li ser rewşa siyasî, leşkerî û propagandeyî hatin derbazkirin ji bo herifandina rejîma diktatorî û damezrandina hukmeta demokratî û misugerkirina autonomiya dirist bo Kurdistanê Iraqê. Avakirina Eniya fireh bi pêwistiyeka pir giring (Cud) dibîne. Civînê belavûkeka siyasî li ser rewşa Iraqê, herêmê û cihanê derxist.

PARTÎ DEMOKRATÎ KURD -Surye-

Di kongira xwede ya çaran, P.D.Kurd li Surye, rêbaza xwe ya niştîmanî pêşveru nişankir û rêzên xwe yê rêxistinî û birobarerî peytkir, da ku xebata xwe di vê rewşa nazikde pêşdabibe ji bo bicihanîna mafên neteweyî yê gelê Kurd.

Kongira Partî di biryarên xwe yê siyasîde, rewşa Kurdistanê Iraqê bi giringî da ber çavan û da nasîn, ku rewşa Kurdistanê Iraqê, rewşeka pir nazik û taybetîye bi nisbet milletê Kurd û tevgera wî ya azadî-xwaz bi giştî. Kongirê Şoriş 26ê Gulanê li jêr alayê PDK-Iraq pîroz- kir, şoriş ku roj bi roj firehtir- dibe û li hemî herêm û warên kurdistanê Iraqê cihê xwe vedigre û xwe kir bingeh û palpişt ji hêzên pêşverure yê xebatê dikin ji bo hukmê demokratî ji Iraqê û ji bo autonomiya dirist ji Kurdistanre. Kongirê bi tundî karê xiyaneta "YNK yeketî niştîmanî Kurdistan" îdane kir û her wejî hêriş leşkerî Turkî. Kongirê piştgiriya Cud û hêzên wê dike.

- Bijî Partî Demokratî Kurd li Surye.
- Silav û rêzgirtin û piştgiri ji xebata wê ya pîroz re.

HÊRIŞA TURKÎ LI SER KURDISTANA IRAQ
..... ÇEWA HAT ŞIKANDIN .


Li jêr vî nişanî, beşê ragehandina PDK, pirtûkek derxist, tede bi dirêjî hêrişa Turkiye tê baskirin. Çewa hêriş çêbû, çima çêbû û çewa hat şikandin ?

Pirtûk dokumenteka giringe li ser rawestanên niştîmanî yê PDK beramber vê hêrişê û biryarên şoreşgerî yê qiyadeya PDK ji bo şikandina hêrişê dide ber çavan. Rewşa hêrişê roj bi roj tê analîzekirin û mêrîni û xwe gorîkirina pêşmergên qehreman tê baskirin.

bijî PDK
 bijî Cud

Raperîna Xwendikaran.... ji rûpelê 1
 Xwendikar û Xurt cihê xwe yê taybetî di şorişên milletande heye, herdem li pêşiya xebata azadîxwaza demokratî diçin, dibin çirîska agirê şerê şerefê dijî kevneperistî, imperyalîsmê û paşvemanê. Her wejî xwendikarên Kurdistan, îro bi destek qelem û bi destek ala xebatê bilind dikin
 Xwendikar û xurt bi kiryarî û bi dil û can beşdarbûn di şorişa Eylûlêde û di şorişa 26ê Gulanêde. Bi sedan şehîd pêşkeş kirin û rastiya gotina Seruk Barzanî bi cih anîn.
 Îro jî di bajarên Kurdistanêde dîsan her xwendikar û xurtin dikevin pêşya demonstrasyona û şehîd û birîndar dibin.
 Raperîna xurt û xwendikarên Kurdistan textê Seddam hijand û "kunên mişkan ji Celal Talebanîre kirin qeyserî". Bi vê raperîna xwe, xurt û xwendikarên Kurdistan, navê yeketiya xwe dîsan bi xwîna şehîdan nivîsand. Çend pîroz û bi hîmete yeketiya we ho xwendikar û xurtên qehreman "yeketiya xwendikarên Kurdistan" û "yeketiya xurtên (lawanî) Kurdistan". Îsal ku 31 sal li ser damezrandina wan derbaz dibin, em gerimtirîn silavên şoreşgerî pêşkeşî vê bireweriyê dikin û bi dil û canê xwe pişgiriya xebat û raperîna birayên xwe xwendikar û xurtên delal dikin, ew raperîne pişkeke ji şorişa Gulanê û xebata Pêşmerge qehreman.

Partiya me serwere
 Pêşmerge çavê sere
 ji çiya hate xware
 jehrê dide neyare
 hey Pêşmerge bavê min
 lêxin herdu çavên min



ÎZGA DENGÊ KURDISTANA Îraqê

Dengê Kurdistanê Îraqê programê xwe, bi zimanê kurdî û bi zimanê erebî belav dike.
 dema êvarî seet 15⁰⁰ ta 16⁰⁰
 dema subê seet 7⁰⁰ ta 8⁰⁰
 li ser . . . pela kurt , 49m dirêj

ŞIVAN PERWER, stranbêjê hozanê pir bi nav û deng, bi dengê xwe çend gotin û 2 stranên şoreşgerî bi rêka îzga dengê Kurdistanê pêşkeş bi pêşmerge qehreman kirin. Îzge bi xweşî roja 12.5. belavkir û nameka supasî û rêzgirtinê ji ŞIVAN re rêkir.

LÎSTIKA NÛ YA ROVIYEN XAPÎNUK.

CELAL TALEBANÎ...TIM CAŞATÎ

Vegera komika Celal Talebanî bo hundirê rêzên rejêma faşist, lîstik û kompiloteka nû ye, pir bi qirêje, dijî mafên milletê Kurd.
 Rejêma diktatorî û caşên wê yên her demî propagandê jêre dikin, lê millet baş wan dinase. PDK her di zude komika İbrahim-Celal tazî kir û da nasîn, wek komikeka kevneperist oportunist, direwîn, karê wê bazariye li ser mafên milletê Kurdistanê. Komikeka girêdayî bi hêzên kevneperist û imperyalîve.
 Vê komikê bi arîkariya Şahê Iranê di sala 1964 de, dixwaztin PDK parçe bikin, lê kir û nekir ev kare wan pê çênebû, rêka xiyanetê û caşatiyê kir bi armancê xwe, çekê xiyanetê girt bi destê xwe û li pêşiya leşkerê Îraqê diçûn û hêriş dibirin ser bingehên şorişa Eylûla niştîmanî. Hezaran Pêşmerge û xelkê Kurdistanê bi gulleyên wan şehîdbûn û bûn bi sebeba paşxistina şorişê demeka dirêj. Xelkê Kurdistanê ew bi caşên 66 ê bi navkirin. Rewşa wan ya gemarî ta peymanê 11. adara 1970 dumkir, wêca bi pêy mercên peymanê, rejêma beisî ew havêtin.
 Li paş peymanê Cezair 1975 ya imperyalî kevneperist, valatîyeka siyasî di Kurdistanêde çêbû. Komika Celal dîsan serê xwe hilda û hatin meydana siyasî bi navekê xapînuk "yeketî niştîmanî Kurdistan (YNK) bi armanca pirkirina wê valatîyê. xwe kirin pêşveru, şoreşger û bi mafên milletê Kurd bangdikirin û slogana şorişa iraqî bilindkirin, lê dewrê ji wanre nişankirî, nehatin guhartin. Wek rûviyên xapînuk lîstik û komlot digêrandin, da ku rêza niştîmanî wêran bikin, Cud perçe bikin û Şorişa 26ê Gulanê bişkinin. Peymana xwînrejê Îraqê Seddam û Celal perde li ser rastiya rêberên (YNK) û tiyatroya wan hiland. Celal vegeriya cihê xwe yê tebîî. Rêzên tevgera niştîmanî ji qirêja wî hat pakkirin.
 KDP dîsan sozê dide xelkê Kurdistan û Îraqê, ku xebata xwe xurtir dike, karûbarên xwe di nav (Cud)de û bi gişt komelên dijî rejêma Seddam, zêdetir dike, ji bo têkdana lîstika xiyanetê û herifandina rejêma faşî.

Paşmaye: ŞORIŞA 26 Ê GULANÊ ji perê 1 ..

azadîxwaza kurdî. Partiya me dest pi karê xwe yê siyasî û çekdarî kir piştî ku şikesta 1975 da ber çavên xwe, anelîzekir û ders û tecrîbe jê birin, li pêşîya her tiştêkî xwe girêdan bi stratejîkeka pêşveru û çûn li ser rêbaza nû ya ku konfirensa 1976ê iqrar kir û kongira nehan li sala 1979ê derbazkir.

Şorişa 26ê Gulanê ne tenê çêbûneka mêjûyiye di tevgera azadîxwaza kurdîde, lê belkî tevgera niştîmanî ya Iraqêjî livand. Şorişê destpêkir bi bilindkirina slogana herifandina rejîma beisî efleqî, wek daxwazeka mêjuyî û ji sala 1976ê û pêde,roj bi roj , xwazîna " Autonomî bo Kurdistan, Demokrati bo Iraq", rastiya xwe, piştî pir buyera, bi cih anî. Sal derbaznebûn û hêzên bingehî yê tevgera niştîmanî iraqîjî, ev sloganên ha kirin yê xwe, irojî gelê Iraqê, bi Ereb û Kurd û kongelên biçûk li dûra wan dicivin. Xwe girêdan bi vê rêbaza pêşveruve, xwe gurîkirin û mêrinî ya xebatker û Pêşmergên qehreman, PDK gihand cihê xwe yê bilind û serekî di Kurdistanê Iraqêde û di herêmede. Di sala 1980 de, PDK karî bi çend hêzên niştîmanîre, eniya demokrati niştîmanî damezrinin û ta iro xwe li meydana radigre. PDK di vê barêda pitir xwe mandû dike û tim dixwaze, ku bi rêka gelek eniyên niştîmanî, bigehe çêkirina eniya niştîmanî ya berfireh. Iro Partiya me peywendî yê dustanî û hevalbendî û solidariyê bi firehtirîn komel û hêzên azadîxwazên herêmede û yê cihanêre hene. Partiya me xwe girt li ser slogana "biratiya Kurd û Ereb" û "yekgirtina niştîmanî iraqî", wek baştirîn rê ji bo rizgarkirina Welat û bi vê rêkêde, peywendiyên PDK, xweştir çêbûn bi komel û hêzên tevgera azadîxwaza niştîmanî ya Erebîre. Xwe girtin li ser baweriya "yekarmanca gelên herêmede", we kir ku PDK her di destpêkêde cenga Seddam dijî Iranê idane bike. Me ev ceng bi cengeka sitemî zalim naskir, agirê wê Seddam li catî împeryalîsma emrîkî û kevneperistîya erebî helkir.

Şorişa 26ê Gulanê, ya niştîmanî ya pêşveru, xwe di salên heştêyêde, bi Şorişeka gelî ya berfireh da nasîn. Pêwîste em iro berê xwe bidîn piştê, da bibînin ku çewa vê Şorişê bi palpiştiya xweyî (zati), ya ji millet dibir, ew milletê bawerî pê anî, da ber sîngê xwe, bi xwîn û xuha xwe avda û bi çekê xwe ragirt. Ev pir zanîn û fêrbûn ji destpêkirina Şorişa Gulanê, bîr û bawerî ya xebatkeran bi wê zêdekir, ku mirov xwe pitir bidet pala milletê xwe, yê ku amadeye bi merdî xwe gurî biket ji bo mafên xwe yê demokrati û millî.

Xelkê Kurdistanê, xasma li buhara 1982 û pêde, bi raperîn û demonstrasion û rêveçûnên gelî dijî rejîma Seddam, dijî cenga wî ya sitemî zalim û dijî fermanên wî yê şofîni, diyarkir, ku çend berze huşyarbûna wî û şiyana wî ji bo gurî kirinê û danê.

Pêwîste û fere li ser me, em bidîn ber çavên xwe, ku mercên serfirazbûnê : yek; palaxwedan li ser kanîn û şiyanên milletê xwe, bi taybetî li ser kedkaran.

duwem; peymangirtin û xwegirêdan bi hêzên pêşverure, di hundur û derveywelat.

Bîrhatina nû ya Şorişa Gulanê di demekêde hat, ku piraniya xelkê Kurdistanê, xasma xwendikar, xebateka mêranî dijî cenga Seddam û bizorî hajotina wan bo cengê. Kar û bizava Pêşmergên qehreman pitir û xurtir dibe, dijî organ û desgahên rejîmê. KDP û hêzên (Cud), cihê xwe di nav dilê milletde bi firehî heye, emman cihê komikên wek "yeketî niştîmanî Kurdistan (YNK)", yê xwefiroş, xasma piştî ku lîstika wan ya bi qirêj û genî di hundir hêza bergirî tazî û aşkire bû, û bi aşkire xwe havêtinêza rejîma Seddam, cihê caşatî û xiyanetê ye. Peymana Seddam-Celal, pîlanek împeryalî kevneperistîye ji bo çareserkirina mesela kurdî. Lê her kes dizane ku çareserkirina mesela kurdî get li jêr sêbera teror û kevneperistîyê çênabe, çareserkirin bi aşî û demokrati dibe, bi aşî û adilane dawîdan bi cenga Iraq û Iranê û bi damezrandina hukumeteka demokrati hevrayî ji bo Iraqê û autonomî ya dirist ji bo Kurdistanê.

- Bijî Şorişa Gulanê ya pîroz bi serekîtiya PDK û Serûkê wê heval Mesûd Barzanî.
- Silav ji bo Pêşmergên qehreman.
- Silav ji bo Xelkê xwegirtîyê Kurdistanê.
- Serkeftin ji bo hevxebata gelê Iraqê bi Ereb, Kurd û kongelên biçûk ji bûna Aştî, demokrati û pêşkeftina civakî.